

昭忠祠列傳續編

卷一百五十七



昭忠祠列傳續編卷一百五十七

安徽官員

勦辦捻匪

外委

李應祥

參將

松志

花翎副將



珠隆阿

藍翎防禦

富和

千總

高兆吉

花翎都司

鄒玉堂

千總

萬壽慶

副貢生

宋炳南

廩膳生

宋樹森

增廣生

何驥泰

監生

馬起雲

文童生

楊勸榮

附學生

何駿泰

把總

安玉魁

附學生

蔣澍

監生

楊兆煥

花翎千總

徐碗

藍翎把總

戴紹傑

李應祥傳

李應祥。山東荷澤縣武生。入營效力。拔補曹州右營外委。咸豐三年。奉派出師安徽。勦辦捻匪。四年十一月。在桐城縣與賊接仗陣亡。事

聞。

賞卹如例。

恩給雲騎尉世職。

松志傳

松志。赫色哩氏。滿洲鑲紅旗人。駐防河南。由領催補驍騎校。旋升防禦。道光二十一年。保送佐領。引

見記名。二十六年。補鑲藍旗佐領。咸豐三年。粵匪攻撲河南省城。松志以守城出力。

賞戴藍翎。四年。署衛輝營參將。六年。調赴歸德

一帶勦捕捻匪。屢次殺賊。旋以告病。經  
巡撫英桂奏參革職留營效力。十一月。  
在安徽亳州追賊受傷陣亡。事  
聞。

命開復原官。照佐領陣亡例議卹。尋

賞卹如例。

恩給雲騎尉世職。子瑞璞襲。

### 珠隆阿傳

珠隆阿。薩克達氏。滿洲鑲藍旗人。道光

十六年。由藍翎侍衛。授直隸膳房堡守

備。二十年。升多倫諾爾營都司。二十六

年。遷馬蘭鎮標中軍遊擊。咸豐二年。軍

政卓異。三年三月。升固關營參將。十月。

護理正定鎮總兵。十二月。捐助軍餉。下

部議敘。五年十月。直隸總督桂良奏請  
飭珠隆阿統帶防兵五百名。赴河南聽  
候河道總督李鈞調遣。如所請行。十二  
月。擢河屯協副將。六年三月。調山永協  
副將。四月。河南捻匪。在界溝集一帶滋  
擾。經巡撫英桂擊退。突有另股賊由東  
北竄至。欲襲我軍後路。珠隆阿分頭夾

擊。追殺三十餘里。斃賊千餘。生擒數十  
名。奪獲大小槍礮六百餘件。捷

聞。

賞戴花翎。十二月。捻首龔義率悍賊數千。由王  
家園竄至安徽亳州洪家廟。珠隆阿馳  
入賊隊。鏖戰多時。龔義就擒。並殲斃捻  
首李文亮等五名。我軍方乘勝追殺。珠

隆阿忽被賊礮擊中要害。歿於陣。英桂  
以

聞。

命交部從優議卹。尋

賞卹如例。

恩給騎都尉世職。子隆祥襲。

富和傳

富和。麻佳氏。滿洲正紅旗人。駐防吉林。  
由領催委防禦。於咸豐三年。檄赴河南  
隨勦捻匪。六年。以追勦捻匪出力。

賞戴藍翎。七年三月。在安徽三河澗地方。與賊  
接仗陣亡。事

聞。

賞卹如例。

恩給雲騎尉世職。子奎祥襲。

高兆吉傳

高兆吉。江蘇徐州府人。充徐州鎮標宿州營馬兵。咸豐四年。奉派出師江南安徽等省。隨勦粵捻各匪。十一月。進攻烏江。駐馬河等處賊匪。敘功。

命以把總遇缺即補。七年九月。在蒙城縣高樓集一帶勦匪獲勝。

賞給六品頂翎。嗣因疊次打仗出力。

命以千總儘先補用。旋因追勦捻匪。遇伏陣亡。

事

聞。

賞卹如例。

恩給雲騎尉世職。

鄒玉堂傳

鄒玉堂。湖南湘鄉縣人。充布政使李續

賓湘中右營哨官。咸豐五年。粵匪竄湖

北。官軍攻復咸甯山坡金口。玉堂在事

出力。敘把總。

賞戴藍翎。尋隨軍攻克武昌府城。擢千總。

賞加守備銜。七年十月。敗賊於湖口彭澤等處。

十一月。賊上竄蘄州。復奮力躡擊。進守備。

賞加都司銜。時粵匪踞九江已久。李續賓鑿地道轟城。殲其魁。九江復。玉堂著有戰功。

升遊擊。

賞換花翎。賊於三河鎮設立偽城。李續賓率眾破賊壘數座。首逆李世賢擒匪張落刑

等來援。我軍寡不敵眾。遂潰。玉堂力戰以歿。事

聞。

命照參將例議卹。尋

賞卹如例。附祀李續賓專祠。

恩給雲騎尉世職。

萬壽慶傳

萬壽慶。山東歷城縣人。由行伍歷拔外  
委把總。升泰安營千總。咸豐三年。奉派  
出師韓莊。旋調赴河南防剿。七年。隨營  
追剿。在安徽亳州王家園子地方。與捻  
匪接仗陣亡事。

聞。

賞卹如例。

恩給雲騎尉世職。

宋炳南傳

宋炳南。安徽懷遠縣副貢生。咸豐七年。以擒匪竄擾皖省。郡邑舉辦團防。奉檄充當練董。教練團勇。屢次隨營堵剿。殲賊多名。八年四月。逆擒張落。刑竄撲縣境。炳南督團併力截擊。因眾寡不敵。恐為賊擒。並子圭壁。闔門自焚。事

聞。

賞卹如例。

宋樹森傳

宋樹森。安徽懷遠縣廩膳生。咸豐七年。

以捻匪竄擾皖省。郡邑舉辦民團。奉檄

充當練董。教練團勇。屢次隨營勦捻。殲

賊立功。八年四月。捻首張落刑竄撲縣

境。樹森督團截擊。賊聚愈多。練丁傷亡

殆盡。力竭被戕。事

聞。

賞卹如例。

何驥泰傳

何驥泰。安徽鳳陽縣增廣生。咸豐八年。遊幕懷遠縣城。擒匪張落刑分股竄擾。驥泰隨同懷邑官紳。登陴固守。四月。擒匪圍撲縣城。合室投繯殉難事。

聞。

賞卹如例。

馬起雲傳

馬起雲。安徽懷遠縣監生。咸豐七年。以  
擒匪肆擾皖省。郡邑舉辦民團。奉檄充  
當練總。疊派隨營勦賊。屢立戰功。八年  
四月。擒首張落刑。猝犯縣境。起雲督團  
截擊。賊聚愈多。練丁傷亡殆盡。力竭被

害事

聞。

賞卹如例。

楊勸榮傳

楊勸榮。安徽懷遠縣文童生。咸豐七年。捻匪竄擾皖省。郡邑舉辦民團。奉檄充當練總。疊隨官軍堵剿竄匪。殲擒立功。八年四月。捻首張落刑撲犯縣城。勸榮隨地方文武。嬰城固守。城陷。率勇巷戰。力竭被戕。闔家同時遇害。事

聞。

賞卹如例。

何駿泰傳

何駿泰。安徽鳳陽縣附學生。咸豐八年。以擒匪竄擾皖省。郡邑設防。奉檄舉辦民團。共襄防勦。四月。擒陷懷遠。賊氛已逼。駿泰隨同在城文武。登陴守禦。梭巡弗懈。五月。城陷。巷戰陣亡。事

聞。

賞卹如例。

安玉魁傳

安玉魁。山東德州人。由行伍歷拔外委。升泰安營把總。咸豐二年。奉派帶隊出師河南。在陳許一帶攻勦捻匪。八年。調赴江南軍營。八月。在江浦縣屬小店鎮地方。與賊接仗陣亡。事

聞。

賞卹如例。

恩給雲騎尉世職。

蔣澍傳

蔣澍。安徽亳州附學生。咸豐三年。擒匪肆擾。穎毫戒嚴。澍奉檄集團。協助官軍堵剿。八年九月。隨營追賊至巢縣陣亡。

事

聞。

賞卹如例。

楊兆煥傳

楊兆煥。安徽定遠縣監生。咸豐六年。以  
擒匪竄擾皖省。郡邑增兵設防。奉檄舉  
辦鄉團。充當練董。八年。擒逆龔得攻陷  
廬鎮。率練馳保縣城。賊不敢犯。九年六  
月。賊句結巨股。復攻縣城。兆煥聞警赴  
援。連破賊營。突圍入保。及城陷。率練巷

戰力竭陣亡事

聞。

賞卹如例。

徐琬傳

徐琬。安徽潁上縣人。咸豐七年。由勇丁  
隨勦壽州捻匪。四月。進攻正陽關。壘有  
斬擒。五月。我軍攻燬板橋集一帶賊卡。  
奪獲大礮二尊。旗幟多件。均在事出力。

經

欽差大臣勝保保奏。

賞給六品頂翎。並

命以經制外委拔補。九月。以克復正陽關。

賞給五品頂帶。以把總補用。十月。隨官軍進勦

六安踞匪。八年二月。攻破龍頭橋賊卡。

擒斬多名。四月。克復州城。奏入。得

旨以千總補用。七月。進攻懷遠踞匪。賊出小東

門圖撲我營。擊敗之。又敗賊於洛河。殺

賊無算。敘功。

賞換花翎。九年十月。戰於渦河。破北岸賊卡。燬

浮橋。克復懷遠縣城。乘勝進攻臨淮。十

一月。賊眾撲營。皖帶領礮船。分投截擊。

轟斃無數。賊匪馬步齊至。又經礮船迎

擊。賊少卻。乘勢追殺。整隊登岸。撲入賊

圩。斬殺數十名。中礮陣亡。事

聞。

賞卹如例。

恩給雲騎尉世職。

戴紹傑傳

戴紹傑。江蘇銅山縣人。充徐州鎮標中

營馬兵。咸豐六年。隨赴宿州。勦辦皖捻

夏白等匪。在合山一帶遇賊接仗。首先

衝入賊隊。殺賊多名。旋赴瓦子口。歷在

青黑集臨渙等處打仗獲勝。均有斬擒。

六月。敘功。

賞給六品軍功頂帶。十月。逆首張落刑等竄撲  
徐州。將賊匪擊退。追勦至九里溝。殺賊  
一名。以在銅山蕭縣碭山等城。歷次打  
仗出力。七年八月。經漕運總督邵燦上  
其功。

命以外委即補。十二月。在亳州境內攻克鄧姚  
韓趙旗屯各處賊圩。斃匪多名。八年二

月。攻勦滄北百善跔賊圩。殺賊二名。奪

大黑方旗一杆。六月。經

欽差大臣都統勝保等保奏。

賞戴藍翎。十月。隨徐州鎮總兵傅振邦。赴蕭碭  
等處追勦竄匪。在唐家寨打仗獲勝。陣  
斬紅衣賊目一名。十一月。在太和縣李  
興集。截殺大股捻匪。大獲全勝。殺賊奪

械九年正月。經

欽差大臣太僕寺卿袁甲三。上其功。

命以把總儘先拔補。十一月。奉檄在宿州西北

歇馬廳壘。次出隊。均有斬獲。十二月。隨

雲南提督傅振邦。圍攻丁家集逆匪。奮

勇衝陣。殲匪多名。因猛追銳進。中礮陣

亡事。

聞。

命交部照陣亡例從優議卹。

賞卹如例。

恩給雲騎尉世職。





